

Me pēhea e tutuki ai ngā herenga o te Whakauru Whare Wānanga – UE?

Ko te UE te paearu matua hei tono ki te ako ki tētahi Whare Wānanga i Aotearoa. Kei a rātou kei ngā wānanga hoki ā rātou ake paearu mō ngā momo hōtaka nā reira me whai wā hoki koe ki te rangahau i ā rātou kōrero whakamārama. Kia tutuki i ngā herenga o te Whakauru Whare Wānanga (UE) me mātua whai i te:

- NCEA Taumata 3
- Ngā marau e toru kei te Taumata 3 (neke atu rānei):
 - 14 whiwhinga kei ngā marau kua whakaaetia he marau UE
- Reo Matatini NCEA – 10 whiwhinga kei te Taumata 2 (neke atu rānei):
 - 5 whiwhinga mō te pānui
 - 5 whiwhinga mō te tuhituhi
- Ngā Tohu Tau NCEA – 10 whiwhinga kei te Taumata 1 (neke atu rānei)

Whakapā atu ki ō kaiako, ki te paetukutuku www.nzqa.govt.nz/ue rānei, mō ngā whakamārama katoa.

Ka pēhea te whakamau i aku whiwhinga katoa?

Ka rārangihia nei ō whiwhinga katoa i raro i tō Tau Ākonga ā-Motu (NSN - National Student Number)

E taea e koe te tiro atu ki ō whiwhinga katoa mā te uru ki te paetukutuku, www.nzqa.govt.nz/login, ā, hei te Pipiri ka tuku atu ēnei tohutohu ki tō kura.

Te tuku whakatau whakamutunga ki ngā Whare Wānanga me ngā Kuratini

Hei te Kohitātea 2018, ka tukuna atu e NZQA ngā whakatau o te Taumata 2, o te Taumata 3, me te Whakauru Whare Wānanga (UE) ki ngā Whare Wānanga katoa me ētahi o ngā Kuratini. He mea akiaki noa i tā rātou pūnaha whakauru ākonga. Me maumahara hoki ki te whai i tā rātou paearu o te whakauru ākonga. Kāti, ki te kore koe e whakaae kia tuku atu ō whakatau ki ngā Whare Wānanga me ngā Wānanga, me mātua whakamōhio atu i tō kura.

Ki te hiahia ako koe ki tētahi Whare Wānanga ki tāwāhi, me whakapā atu koe ki a rātou ake mō ngā whakamārama whakauru ākonga. Kia mōhio mai, ka tukuna ō whakatau whakamutunga e NZQA ki ngā Whare Wānanga katoa o Ahitereiria.

Whakapā atu ki tō kura, ki te paetuku nei - www.nzqa.govt.nz/ncea mō ngā whakamahuki katoa

Kua herea ki te pānui nei te Wātaka Whakamātautau ā-Motu 2017. Tirohia koutou ko ō kaiako mēnā kei te pai te wātaka nei e ai ki ō whakamātautau katoa.

He whakamārama mō ngā ākonga, ngā mātua, ngā whānau me ngā kaitiaki



2017 Ngā Tohu NCEA

NZQA

NEW ZEALAND QUALIFICATIONS AUTHORITY
MĀNA TOHU MĀTAURANGA O AOTEAROA

QUALIFY FOR THE FUTURE WORLD
KIA NOHO TAKATŪ KI TŌ ĀMUA AO!

Kia ora

Me pēhea au e whai i te NCEA, i a Te Hiranga (Karahipi o Aotearoa) rānei?

Hei te marama o Poutūterangi, ka tukuna mai ki a NZQA ngā kōrero whakauru NCEA katoa e tō kura. Koia hoki te wā ka uru mai koe hei ākongā mō NCEA, ā, me mātua whai i ngā ture me ngā tikanga NCEA. Mēnā kei te ako koe i ngā kōhi kei Te Aho o Te Kura Pounamu, kei tētahi Wānanga, kei tētahi Kuratini rānei, me whakamōhio atu ki tō kura kia rārangi tika nei ō whiwhinga katoa i tō tiwhikete 'Ngā Whiwhinga' (ROA - Record Of Achievement)

Whakapā mai ki te paetuku nei www.nzqa.govt.nz/ncea-rules mō ngā whakamārama katoa.

He aha kē te utu?

Ngā utu mō ngā ākongā nō Aotearoa

Te whakauru NCEA	\$76.70 ia ākongā
Te whakauru Te Hiranga	\$30.00 ia marau

Ngā utu mō ngā ākongā nō tāwāhi

Te whakauru NCEA	\$383.30 ia ākongā
Te whakauru Te Hiranga	\$102.20 ia marau

Me pēhea au e whakautu ai?

- Tukuna atu ngā utu katoa ki tō kura. Ka mōhio kē ngā kura ki ngā tikanga katoa o te pūnaha whakautu o NCEA.
- Mā te whakautu i ō utu katoa, ka rārangihia nei ō whiwhinga me ō tohu katoa ki runga i tō tiwhikete 'Ngā Whiwhinga' (ROA).
- Ka tuku atu tō kura i ngā utu katoa ki a NZQA hei te 13 o Mahuru 2017.
- Ki te takaroa tāu whakautu i te kura, me kotahi atu tāu whakautu ki a NZQA. Ki te hipa atu i te rā 1 o Hakihea 2017 – ka tāpirihia e NZQA te \$50.00 hei utu i te tōmuritanga.

He pūtea tautoko hei whakautu i ngā utu?

Me he ākongā nō Aotearoa koe, he nui tonu ngā pūtea tautoko e taea ai e ō mātua, ō kaitiaki rānei te tono atu engari me hāngai pū rātou ki te paearu utu e whai nei:

- E whai utu ana i a Work and Income i a StudyLink rānei, ā, ka mau rānei i tētahi kāri 'Ratonga Hapori'
- Ko te nui o te whai utu o te whānau kei raro tonu ana, ā, kei te whānau hoki he kāri 'Ratonga Hapori'

- Tokorua, tokomaha rānei ngā tamariki o te whānau kotahi e whakautu ana i te \$200+ mō te NCEA.

Me pēhea au e tono atu ai ki ngā pūtea tautoko?

Me whakakī pepa tono kia whiwhi ai i tētahi pūtea hei pikau i te taha utu. Kei tō kura kē tēnei pepa tono, kei te paetuku o NZQA rānei: www.nzqa.govt.nz/financialassistance

Kāore e āhei ana ngā ākongā nō tāwāhi te tono pūtea tautoko.

Me pēhea hoki ngā ākongā hauā e whai āwhina nei i ngā mahi aromatawai?

- Me he tamaiti hauā koe (ā-tinana, ā-hinengaro) ka whai āwhina tonu koe i ngā mahi aromatawai i a koe i te kura.
- Mā tō kura anō koe e tono āwhina nei engari me mātua mōhio tō kura ki ō tino hiahia i tētahi pūrongo, whakamātautau rānei e whakatau ana i tō hauātanga.
- **Ki te hiahia āwhina koe, me tono āwhina** nei tō kura ki a NZQA, ā, ka kati kē ngā tono hei te mutunga o te Wāhanga 3, 2017.

Ka taea e au te haere ki wāhi kē atu ki te noho whakamātautau ā-waho?

Mēnā kāore e taea e koe te noho whakamātautau ki te wāhi kua whakatauhia mō tō kura, me whakamōhio anō rā ki tō kura i te tuatahi. Kātahi rātou ka tonohia mai ki a NZQA ki te whakarerekē i te wāhi whakamātautau mōu i **mua i te 31 o Hōngongoi 2017**. Me tino take ki a NZQA e rerekē ai te wāhi whakamātautau i **muri i te 31 o Hōngongoi**.

Te whai NCEA Taumata 1, 2, 3.

NCEA Taumata 1

- Me 80 whiwhinga kei te Taumata 1 (neke atu rānei).

NCEA Taumata 2

- Me 80 whiwhinga - 60 whiwhinga kei te Taumata 2, 20 whiwhinga i taumata kē atu

NCEA Taumata 3

- Me 80 whiwhinga - 60 whiwhinga kei te Taumata 3, 20 whiwhinga i taumata kē atu.

Me tutuki ngā paearu mō te reo matatini me ngā tohu tau ki ia taumata. 10 whiwhinga mō te reo matatini, 10 whiwhinga anō mō ngā tohu tau kei te Taumata 1 (neke atu rānei)

Me he pātai anō āu mō te reo matatini me ngā tohu tau, me korero atu ki tō kura.